

ՊԵՏՈՒԹՅԱՆ ԿՈՂՄԻՑ ԴՐԱՄԱՇՆՈՐՀԻ ԶԵՎՈՎ ՏՐԱՄԱԴՐՎՈՂ ՖԻՆԱՆՍԱԿԱՆ ԱԶԱԿՑՈՒԹՅԱՆ ԳՈՒՄԱՐՆԵՐԻ ՕԳՏԱԳՈՐԾՄԱՆ ՄԱՍԻՆ

ք. Երևան

«12» «07» 2024 թ.

Հայաստանի Հանրապետության կրթության, գիտության, մշակույթի և սպորտի նախարարությունը (այսուհետ՝ պետական մարմին), ի դեմս գլխավոր քարտուղար Հասմիկ Հակոբյանի, որը գործում է պետական մարմնի կանոնադրության հիման վրա, մի կողմից, և «Կոմիտասի թանգարան-ինստիտուտ» պետական ոչ առևտրային կազմակերպությունը (այսուհետ՝ կազմակերպություն), ի դեմս կազմակերպության տնօրեն Նիկոլայ Կոստանդյանի, որը գործում է կազմակերպության կանոնադրության հիման վրա, մյուս կողմից (այսուհետ միասին՝ կողմեր), հիմք ընդունելով ՀՀ կառավարության 2023 թվականի դեկտեմբերի 28-ի «ՀՀ 2024 թվականի պետական բյուջեի կատարումն ապահովող միջոցառումների մասին» N 2323-Ն որոշումը (այսուհետ՝ որոշում) և Հայաստանի Հանրապետության կրթության, գիտության մշակույթի և սպորտի նախարարի 2024 թվականի հունիսի 24-ի N 1132-Ա/2 հրամանով հաստատված «Թանգարանային ծրագրեր և միջոցառումներ» դրամաշնորհի հատկացման մրցույթի գնահատող մասնագիտական խմբի 2024 թվականի մայիսի 29-ի նիստի N 3 արձանագրությունը՝ որոշման «1075. Մշակութային ժառանգության ծրագիր» ծրագրի «11007. Աջակցություն թանգարանային միջոցառումների կազմակերպմանը» միջոցառման շրջանակներում «Փարիզյան հանդիպումներ» ծրագրի (այսուհետ՝ ծրագիր) իրականացման նպատակով կնքեցին սույն պայմանագիրը (այսուհետ՝ պայմանագիր)՝ հետևյալի մասին.

**1. ՊԱՅՄԱՆԱԳՐԻ ԱՌԱՐԿԱՆ ԵՎ ԳԻՆԸ**

1.1. Սույն պայմանագրով պետական մարմինը պարտավորվում է ծրագրի իրականացման նպատակով պայմանագրի 5.1-ին կետով սահմանված կարգով կազմակերպությանը հատկացնել որոշմամբ նախատեսված գումարից 5700,0 հազար (հինգ միլիոն յոթ հարյուր հազար) դրամ՝ համաձայն Հավելված N 2-ի, իսկ կազմակերպությունը պարտավորվում է ծրագիրն իրականացնել պայմանագրով սահմանված կարգով:

1.2. Ծրագրով նախատեսված՝ կազմակերպության կողմից իրականացվելիք միջոցառումները (այսուհետ՝ միջոցառումներ) ներկայացված են սույն պայմանագրի Հավելված 1-ում:

**2. ԿՈՂՄԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱՎՈՐՈՒԹՅՈՒՆՆԵՐԸ**

**2.1. Պետական մարմինն իրավունք ունի՝**

2.1.1. ցանկացած ժամանակ (այդ թվում՝ ՀՀ ֆինանսների նախարարության և պետական այլ մարմինների միջոցով) ստուգելու կազմակերպության կողմից իրականացվող միջոցառումների ընթացքը և որակը՝ առանց միջամտելու վերջինիս գործունեությանը, ինչպես նաև օրենսդրությամբ սահմանված կարգով իրականացնել ներքին աուդիտ,

2.1.2. կազմակերպությունից պարբերաբար պահանջել ու ստանալ տեղեկատվություն սույն պայմանագրի կատարման ընթացքի մասին,

2.1.3. սույն պայմանագրով սահմանված պահանջներին չհամապատասխանելու դեպքում չընդունելու իրականացված միջոցառումները՝ իր հայեցողությամբ սահմանելով թերությունների անհատույց վերացման ողջամիտ ժամկետ, և կազմակերպությունից պահանջելու վճարել սույն պայմանագրի 6.2-րդ կետով նախատեսված տուգանքը, իսկ պայմանագրով նախատեսված հաշվետվությունների ներկայացման համար սահմանված ժամկետները չպահպանելու դեպքում՝ սույն պայմանագրի 6.3-րդ կետով նախատեսված տույժերը,

2.1.4. առանց իրականացված միջոցառումների արդյունքների դիմաց գումար տրամադրելու՝ միակողմանի լուծելու սույն պայմանագիրը և պահանջելու հատուցել պատճառված վնասները, եթե՝

ա. կազմակերպությունը ժամանակին չի սկսում ծրագրի իրականացումը, կամ ծրագրի իրականացման ժամանակ ակնհայտ է դառնում, որ այն պատշաճ՝ սույն պայմանագրով սահմանված կարգով և ժամկետներում չի իրականացվելու,

բ. կազմակերպությունը երկու և ավելի անգամ խախտել է ծրագրով նախատեսված առանձին միջոցառումների իրականացման ժամկետները (միջոցառումների իրականացման ժամկետներ նախատեսված լինելու դեպքում),

գ. իրականացված միջոցառումները չեն համապատասխանում ծրագրով սահմանված պահանջներին,

2.1.5. կազմակերպության կողմից սույն պայմանագրով նախատեսված ծրագրի ոչ ֆինանսական ցուցանիշների թերակատարման դեպքում համապատասխան չափով նվազեցնել ֆինանսավորումը,

2.1.6. սույն պայմանագիրը ՀՀ օրենսդրությամբ կամ սույն պայմանագրով նախատեսված հիմքերով լուծելու դեպքում պահանջելու իրեն հանձնել անավարտ ծրագրի արդյունքները:

## **2.2. Կազմակերպությունն իրավունք ունի՝**

2.2.1. իրականացված ծրագրի արդյունքը պետական մարմնի կողմից ընդունվելու դեպքում պահանջելու վճարել իրեն հասանելիք գումարը,

2.2.2. իրականացված ծրագրի արդյունքը պետական մարմնի կողմից ընդունվելու դեպքում պետական մարմնի կողմից գումարները չվճարվելու դեպքում միակողմանի լուծելու սույն պայմանագիրը և պահանջելու հատուցել իրեն պատճառված վնասները,

2.2.3. անհրաժեշտության դեպքում սույն պայմանագրի անբաժանելի մաս կազմող նախահաշվով նախատեսված ծախսային ուղղությունների միջև և (կամ) ծախսային ուղղությունների տողերի միջև իրականացնել համապատասխանաբար յուրաքանչյուր ծախսային ուղղության և ծախսային ուղղության տողերի գումարի 10 տոկոսի չափով շեղում՝ չխախտելով վճարումների համար սահմանված նորմերը:

## **2.3. Պետական մարմինը պարտավոր է՝**

2.3.1. Հայաստանի Հանրապետության օրենսդրությամբ և (կամ) ծրագրով նախատեսված դեպքերում իր և կազմակերպության կանոնադրություններով սահմանված իրավասությունների շրջանակներում աջակցել կազմակերպությանը, այդ թվում՝ կազմակերպությանը ցուցաբերել մեթոդական և կազմակերպական օգնություն,

2.3.2. կատարել ծրագրի (առանձին միջոցառումների) իրականացման մոնիթորինգ՝ անհրաժեշտության դեպքում համագործակցելով այլ պետական կառավարման մարմինների հետ,

2.3.3. իրականացնել ծրագրով նախատեսված այլ աշխատանքներ,

2.3.4. իրականացված ծրագրի մասին ներկայացված կատարողական հաշվետվությունների վերաբերյալ համապատասխան որոշում ընդունել սույն պայմանագրի 4.2-րդ կետում նշված ժամկետում: Եթե ներկայացված հաշվետվությունների համաձայն իրականացված ծրագիրը համապատասխանում է սույն պայմանագրի պահանջներին, ապա դրանք ընդունվում են:

## **2.4. Կազմակերպությունը պարտավոր է՝**

2.4.1. սույն պայմանագրով նախատեսված ֆինանսական միջոցներն օգտագործել ծրագրով և (կամ) սույն պայմանագրով սահմանված նպատակներով ու չափաքանակներով,

2.4.2. պետական մարմնին անհապաղ հայտնել սույն պայմանագրի կատարման համար առաջացած խոչընդոտների մասին և միաժամանակ ձեռնարկել իր կողմից հնարավոր բոլոր միջոցները՝ դրանք վերացնելու համար,

2.4.3. կատարել պետական մարմնի կողմից բացահայտված թերությունների վերացման նպատակով տրված ցուցումները,

2.4.4. իրականացնել ծրագրի շրջանակներում պետական մարմնի կողմից տրամադրված գումարների՝ Հայաստանի Հանրապետության գործող օրենսդրությանը համապատասխան հաշվառում,

2.4.5. սույն պայմանագրի գործողության ընթացքում ապահովել ծրագրի իրականացմանը վերաբերող փաստաթղթերին ծանոթանալու պետական մարմնի հնարավորությունը՝ վերջինիս կողմից գրավոր պահանջ ստանալու օրվանից 5 աշխատանքային օրվա ընթացքում,

2.4.6. պետական մարմնի կողմից ծրագրի իրականացման մասին հաշվետվությունները չընդունվելու դեպքում կազմակերպությունը պարտավորվում է անվճար՝ պետական մարմնի կողմից սահմանված ողջամիտ ժամկետում վերացնել արձանագրված անհամապատասխանությունները,

2.4.7. ծրագրի իրականացման մասին իրազեկման բոլոր հարթակների տեսանելի վայրում (ներառյալ ազդագրերը, հրավիրատոմսերը, մամուլի հրապարակումները և այլն), ինչպես նաև ծրագրի իրականացման մասին իրազեկմանն ուղղված ցանկացած գրավոր և/կամ բանավոր խոսքում հրապարակել պետական մարմնի անունը (որպես ֆինանսավորող կողմ), իսկ համաֆինանսավորման դեպքում՝ պետական մարմնին տրամադրել ամբողջական տեղեկատվություն՝ ծրագրին աջակցող կազմակերպության(ների), ֆինանսավորման չափի և վերջինիս(ներիս) հետ ձեռք բերված այլ պայմանավորվածությունների մասին,

2.4.8. սույն պայմանագրից բխող ծրագիրը չկատարելու դեպքում վերադարձնել պետական մարմնի կողմից տրամադրված գումարը և վճարել տուգանք սույն պայմանագրի 1.1-ին կետում նախատեսված գումարի 5.0 (հինգ) տոկոսի չափով,

2.4.9. միջոցառման իրականացման համար անհրաժեշտ ապրանքները, աշխատանքները և ծառայությունները ձեռք բերել «Գնումների մասին» Հայաստանի Հանրապետության օրենքով սահմանված կարգով՝ պետության կարիքների համար կատարվող գնումների կանոններին համապատասխան, իսկ միջոցառման համար կազմակերպության կողմից ընդգրկվող աշխատողների հետ աշխատանքային հարաբերությունները կարգավորել Հայաստանի Հանրապետության Աշխատանքային օրենսգրքով սահմանված կարգով,

2.4.10. սույն պայմանագրի 7.1-ին կետով սահմանված ժամկետներում պետական մարմնին ներկայացնել հաշվետվություններ (ֆինանսական և բովանդակային) կատարված ծախսերի և իրականացված միջոցառումների մասին: Ֆինանսական հաշվետվությունը ներկայացվում է սույն պայմանագրի Հավելված N 3-ով սահմանված ձևանմուշով՝ նկատի ունենալով, որ փաստացի ծախսերը հիմնավորող հաշվապահական և այլ փաստաթղթերը գտնվում են կազմակերպության մոտ և վերջինս պատասխանատվություն է կրում ֆինանսական հաշվետվությամբ ներկայացված տվյալների իսկության համար: Բովանդակային հաշվետվությամբ ներկայացվում է ամբողջական տեղեկատվություն միջոցառումների իրականացման, հրապարակման և ընթացքի, այդ թվում՝ արդյունքների գնահատման, մասնակիցների քանակի վերաբերյալ, կցելով համապատասխան նյութեր (լուսանկարներ, ազդագրեր, հրավիրատոմսեր, մամուլի հրապարակումներ և այլն, ներառյալ՝ իրազեկման բոլոր հարթակների տեսանելի վայրում պետական մարմնի (որպես ֆինանսավորող կողմ) վերաբերյալ այլ տեղեկատվական նյութեր)՝ էլեկտրոնային կրիչներով: Կազմակերպությունը պատասխանատվություն է կրում բովանդակային հաշվետվությամբ ներկայացված տվյալների իսկության համար:

2.4.11. սույն պայմանագրով սահմանված ծրագրի իրականացման արդյունքում առաջացած տնտեսումների, ինչպես նաև չհիմնավորված ծախսերի գումարները վերադարձնել ՀՀ պետական բյուջե:

### 3. ՄՈՆԻԹՈՐԻՆԳԸ

3.1. Պետական մարմինը ծրագրի իրականացման արդյունքների համապատասխանության գնահատման նպատակով իրականացնում է մոնիթորինգ:

3.2. Մոնիթորինգն իրականացվում է պետական մարմնի և (կամ) նրա կողմից լիազորված անձի կողմից:

3.3. Մոնիթորինգի իրականացման ընթացքում բացահայտված թերացումների ու բացթողումների շտկման նպատակով կազմակերպությանը տրվում են ցուցումներ, և կատարվում են առաջարկություններ:

3.4. Պետական մարմինը ցանկացած ժամանակ կարող է ծրագրի շրջանակներում իրականացնել մոնիթորինգ՝ ուսումնասիրելով ծրագրին առնչվող ցանկացած փաստաթղթեր և նյութեր:

3.5. Մոնիթորինգի իրականացման ընթացքում կազմակերպությունից կարող են պահանջվել գրավոր ու բանավոր պարզաբանումներ և բացատրություններ:

#### **4. ՊԱՅՄԱՆԱԳՐԻ ԱՐԴՅՈՒՆՔԻ ՀԱՆՁՆՄԱՆ ԵՎ ԸՆԴՈՒՆՄԱՆ ԿԱՐԳԸ**

4.1. Սույն պայմանագրի արդյունքն ընդունվում է պետական մարմնի և կազմակերպության միջև հանձնման-ընդունման ակտի ստորագրմամբ: Մինչև սույն պայմանագրով ստանձնված պարտավորությունների կատարման համար նախատեսված օրը ներառյալ կազմակերպությունը armeps էլեկտրոնային համակարգի միջոցով (գործողության իրականացման ձեռնարկը տեղադրված է [www.minfin.am](http://www.minfin.am) հասցեով գործող կայքի «Դրամաշնորհներ» բաժնի «Ուղեցույցներ, ձեռնարկներ» ենթաբաժնում) պետական մարմնին է տրամադրում իր կողմից ստորագրված՝ հանձնման-ընդունման ակտը (հավելված N 4) և հաշվետվությունը: Ընդ որում կազմակերպությունը հանձնման-ընդունման ակտը չի կնքում, հաստատում է էլեկտրոնային ստորագրությամբ՝ լրացնելով միայն այն սյունակները, որոնք վերաբերում են իր տվյալներին:

4.2. Եթե իրականացված ծրագիրը համապատասխանում է սույն պայմանագրի պայմաններին, պետական մարմինը պայմանագրի 4.1-ին կետում նշված փաստաթղթերը ստանալու օրվան հաջորդող աշխատանքային օրվանից հաշված 10 աշխատանքային օրվա ընթացքում ստորագրում և armeps էլեկտրոնային համակարգի միջոցով կազմակերպությանն է տրամադրում իր կողմից ստորագրված հանձնման-ընդունման ակտը:

4.3. Եթե իրականացված ծրագիրը կամ դրա մի մասը չի համապատասխանում սույն պայմանագրի պայմաններին, ապա պետական մարմինը չի ստորագրում հանձնման-ընդունման ակտը և սույն պայմանագրի 4.2-րդ կետում նշված ժամկետում armeps էլեկտրոնային համակարգի միջոցով կազմակերպությանը հետ է վերադարձնում հանձնման-ընդունման ակտը՝ նշելով դրա չստորագրման համար հիմք հանդիսացած անհամապատասխանությունը: Սույն կետի կիրառման դեպքում պետական մարմինը ձեռնարկում է նման իրավիճակի համար պայմանագրով նախատեսված միջոցները և կազմակերպության նկատմամբ կիրառում է սույն պայմանագրով նախատեսված պատասխանատվության միջոցներ:

4.4. Եթե սույն պայմանագրի 4.2-րդ կետով սահմանված ժամկետում պետական մարմինը չի ընդունում սույն պայմանագրի 4.1-ին կետում նշված փաստաթղթերը կամ չի մերժում դրա ընդունումը, ապա իրականացված միջոցառումը համարվում է ընդունված և սույն պայմանագրի 4.2-րդ կետով սահմանված վերջնաժամկետին հաջորդող աշխատանքային օրը պետական մարմինը armeps էլեկտրոնային համակարգի միջոցով կազմակերպությանն է տրամադրում իր կողմից ստորագրված հանձնման-ընդունման ակտը:

4.5. Ծրագրով նախատեսված ոչ ֆինանսական ցուցանիշները չեն կարող ներառվել 29.01.2024 թ. դրամաշնորհի տրամադրման N ՄՇԴ-35-2024 պայմանագրով նախատեսված ոչ ֆինանսական ցուցանիշներում:

#### **5. ՎՃԱՐՄԱՆ ԿԱՐԳԸ ԵՎ ԺԱՄԿԵՏՆԵՐԸ**

5.1. Սույն պայմանագրի 1.1-ին կետում սահմանված գումարի 80 %-ը կազմակերպությանը հատկացվում է՝ սույն պայմանագրի կնքումից հետո, իսկ 20 %-ը՝ սույն պայմանագրի 4.1-ին կետով նախատեսված հանձնման-ընդունման արձանագրությունը ստորագրելուց հետո՝ կազմակերպության հաշվեհամարին փոխանցելու միջոցով:

5.2. Համաձայն «ՀՀ 2024 թվականի պետական բյուջեի մասին» ՀՀ օրենքի 7-րդ հոդվածի 23-րդ մասի՝ հաշվարկված ԱԱՀ-ի գծով լրացուցիչ հատկացումները չեն կարող ուղղվել այլ նպատակների և չօգտագործված գումարները 2024 թվականի ընթացքում ենթակա են վերադարձման ՀՀ պետական բյուջե:

5.3. Սույն պայմանագրի 1.1-ին կետում նշված գումարի չափը կարող է փոփոխվել սույն պայմանագրով, ինչպես նաև Հայաստանի Հանրապետության օրենսդրությամբ սահմանված հիմքերով ու կարգով:

## **6. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ**

6.1. Կազմակերպությունը պատասխանատվություն է կրում սույն պայմանագրով ստանձնած պարտավորությունների չկատարման կամ ոչ պատշաճ կատարման համար:

6.2. Սույն պայմանագրով նախատեսված պարտավորությունների ոչ պատշաճ կատարման դեպքում, ինչպես նաև սահմանված ժամկետները կազմակերպության կողմից չպահպանելու դեպքում վերջինս պետական մարմինն վճարում է տուգանք՝ ոչ պատշաճ կատարված պարտավորության համար նախատեսված գումարի 0.5 (զրո ամբողջ հինգ տասնորդական) տոկոսի չափով, իսկ սահմանված ժամկետները խախտելու դեպքում ժամկետների խախտմամբ իրականացված պարտավորության համար նախատեսված գումարի 0.5 (զրո ամբողջ հինգ տասնորդական) տոկոսի չափով՝ ուշացված յուրաքանչյուր աշխատանքային օրվա համար:

6.3. Սույն պայմանագրով նախատեսված հաշվետվությունների ներկայացման համար սահմանված ժամկետները չպահպանելու դեպքում կազմակերպությունը պետական մարմինն վճարում է տույժ՝ պայմանագրի գնի 0.05 (զրո ամբողջ հինգ հարյուրերորդական) տոկոսի չափով՝ ուշացված յուրաքանչյուր աշխատանքային օրվա համար: Ընդ որում, սույն կետով սահմանված տույժերը վերաբերում են պետական մարմինն ներկայացվող ինչպես ֆինանսական, այնպես էլ՝ բովանդակային հաշվետվություններից յուրաքանչյուրին:

6.4. Սույն պայմանագրի 6.2-րդ և 6.3-րդ կետերով նախատեսված տուգանքը և տույժը կարող է հաշվարկվել և հաշվանցվել ծրագրի իրականացման արդյունքում կազմակերպությանը վճարման ենթակա գումարների հետ: Տույժը հաշվարկվում է աշխատանքային օրերով:

6.5. Սույն պայմանագրով չնախատեսված դեպքերում կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվության են ենթարկվում ՀՀ օրենսդրությամբ սահմանված կարգով:

6.6. Տույժերի և (կամ) տուգանքի վճարումը Կողմերին չի ազատում իրենց պայմանագրային պարտավորությունները լրիվ կատարելուց:

## **7. ՊԱՅՄԱՆԱԳՐԻ ԳՈՐԾՈՂՈՒԹՅԱՆ ԺԱՄԿԵՏԸ**

7.1. Սույն պայմանագրով նախատեսված ծրագրի կատարման ժամկետը մինչև 2024 թ. հոկտեմբերի 1-ն է, իսկ հաշվետվությունների ներկայացման ժամկետը՝ մինչև սույն պայմանագրով նախատեսված միջոցառումների կատարման ավարտին հաջորդող 30-րդ օրացույցային օրը:

7.2. Սույն պայմանագիրն ուժի մեջ է մտնում կողմերի ստորագրման պահից և գործում է մինչև կողմերի ստանձնած պարտավորությունների ամբողջ ծավալով կատարումը:

7.3. Սույն պայմանագրով նախատեսված կողմերի իրավունքների և պարտականությունների կատարման պայման է հանդիսանում պայմանագիրը ՀՀ ֆինանսների նախարարության կողմից հաշվառված լինելու հանգամանքը:

## **8. ԱՆՀԱՂԹԱՀԱՐԵԼԻ ՈՒԺԻ ԱԶԴԵՑՈՒԹՅՈՒՆԸ (ՖՈՐՍ-ՄԱԺՈՐ)**

8.1. Սույն պայմանագրով նախատեսված պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներն են երկրաշարժը, ջրհեղեղը, հրդեհը, պատերազմը, ռազմական և արտակարգ դրության հայտարարումը, քաղաքական հուզումները, գործադուլները, հաղորդակցության



**ՄԻՋՈՑԱՌՈՒՄՆԵՐ**  
 «Փարիզյան հանդիպումներ»

1	Կազմակերպության անվանում	«Կոմիտասի թանգարան-ինստիտուտ» ՊՈԱԿ
2	Կազմակերպության գտնվելու վայր	Ք. Երևան, Արշակունյաց 28
3	Ծրագրի անվանում	«Փարիզյան հանդիպումներ»
3.1	Բովանդակություն	<p>«Փարիզյան հանդիպումներ» վերտառությամբ ցուցադրությունը երգչուհի (մեցո-սոպրանո), դաշնակահարուհի, երաժշտագետ, մանկավարժ, Կոմիտասի բարեկամ Մարգարիտ Բաբայանի, նրա ընտանիքի և XX դարի առաջին կեսի ֆրանսիական երաժշտական բոհեմի մասին է: Ցուցադրության անվանումը խորհրդանշում է XX դարասկզբի Փարիզը՝ որպես համաշխարհային մշակույթի կենտրոն, որտեղ ծնվում էին արվեստի նոր ուղղություններ: Ֆրանսիան առավել բարյացակամ վերաբերմունք էր ցուցաբերում այլ ազգերի արվեստի հանդեպ, և բազմաթիվ երկրների արվեստագետներ, որոնք տարբեր մշակույթների կրողներ էին, ծագում էին կայանալ հատկապես Փարիզում: Նրանց մեջ քիչ թիվ չէին կազմում նաև հայերը:</p> <p>Մարգարիտ Բաբայանը երիտասարդ տարիքից ընտանիքով հաստատվել է Փարիզում և երկար տարիներ (1905-1930-ական թթ.) հանդես եկել Ֆրանսիայի և եվրոպական այլ երկրների բեմերում: Լինելով Կոմիտասի մտերիմ բարեկամը՝ Մարգարիտ Բաբայանը եվրոպական լավագույն համերգա-սրահներում հնչեցրել է Կոմիտաս Վարդապետի ստեղծագործությունները և տարածել հայ երաժշտական մշակույթը:</p> <p>Ցուցադրության մեջ առանձին բաժնով ներկայացվելու է Բաբայանների ընտանիքը և նրանց</p>

ծավալած բազմաճյուղ գործունեությունը: Մարգարիտի հայրը՝ Ավետիք Բաբայանը, բժիշկ և հիգիենիստ էր, մայրը՝ Սոֆյա Բաբայանը, մանկավարժ, առաջին հայկական մանկապարտեզների հիմնադիր: Տուցադրության մի առանձին հատված նվիրված է լինելու Լալուա ընտանիքին: Լ. Լալուայի միջնորդությամբ է կայացել Կոմիտասի ծանոթությունը կոմպոզիտորներ Կ. Դեբյուսիի, Մ. Ռավելի հետ: Մարգարիտ Բաբայանի երաժշտական-հասարակական լայնածավալ գործունեությունը փաստող վավերագիր վկայությունները՝ լուսանկարները, նամակները, ձեռագրերն ու նոտաները պահվում են «Եղիշե Չարենցի անվան գրականության և արվեստի թանգարանի» Մ. Բաբայանի անձնական արխիվում, և դրանց մեծ մասն առաջին անգամ կներկայացվի «Փարիզյան հանդիպումներ» ցուցադրության մեջ: Ներկայացվելու են նաև նմուշներ Կոմիտասի թանգարան-ինստիտուտի, Հայաստանի ազգային պատկերասրահի և այլ հավաքածուներից:

Տուցադրությունը բաղկացած է լինելու ինը բաժնից՝ հազեցած երկլեզվյան տեղեկատու ապարատով և թեմային վերաբերող տեսաձայնային նյութերով.

1. Բաբայանների ընտանիքը,
2. Ուսումնառության շրջան՝ Թիֆլիս, Դրեզդեն, Փարիզ,
3. Փարիզյան հանդիպումներ,
4. Տարբեր ազգերի երգերի լավագույն կատարողը. համերգային գործունեություն,
5. Մանկավարժական գործունեություն,
6. Մարգարիտ Բաբայանը՝ երաժշտագետ,
7. Մարգարիտ Բաբայանը և Կոմիտաս Վարդապետը,
8. Բաբայանի մասնակցությունը փարիզահայ մշակութային կյանքին,
9. Մարգարիտ Բաբայանի հետ:




		Ցուցադրությունն ընդգրկելու է կրթական բաղադրիչ՝ տարրեր ազգերի երգարվեստին նվիրված համերգ-դասախոսություններ և կրթական ծրագրեր՝ նախատեսված տարրեր տարիքային խմբերի համար:
3.2	Նպատակ	<p>Նախագծի նպատակն է ցուցադրության ձևաչափով ներկայացնել Մարգարիտ Բաբայանի կյանքն ու գործունեությունը, ինչպես նաև XX դարասկզբի Ֆրանսիայի հարուստ մշակութային կյանքը:</p> <p>«Փարիզյան հանդիպումներ» ցուցադրության իրագործումն անհրաժեշտ է նաև հանգուցային մի քանի հիմնահարցերի անդրադառնալու նպատակով՝</p> <ul style="list-style-type: none"> <li>• Մշակութային-պատմական ոլորտ</li> <li>• Ինքնության պահպանում</li> <li>• Միջմշակութային կապեր</li> <li>• Ֆրանսիական արվեստ</li> <li>• Սոցիալական դաշտ և կրթական բաղադրիչ</li> </ul>
3.3	Անցկացման ժամկետ	15.07.2024-30.09.2024
3.4	Անցկացման վայր	«Կոմիտասի թանգարան-ինստիտուտ» ՊՈԱԿ
3.5	Ակնկալվող արդյունքներ	<p>Ցուցադրության իրականացումը հնարավորություն կընձեռի հանրության լայն շրջանակին ի մոտո ծանոթանալու Մարգարիտ Բաբայանի հարուստ ստեղծագործական ժառանգությանը, ինչպես նաև XX դարասկզբի Ֆրանսիայի մշակութային կյանքին: Արվեստասեր հասարակությունը նոր և կարևոր տեղեկություններ ձեռք կբերի հայ և ֆրանսիացի մտավորականների գործունեության վերաբերյալ: Կարևորելով միջմշակութային երկխոսությունը՝ սույն նախագիծը հայ և այլազգի երաժիշտների ու գիտնականների միջև համագործակցության նոր եզրեր ձևավորելու հարթակ կդառնա: Իրականացվելու են գիտական հետազոտություններ Մարգարիտ Բաբայանի, Լալուա ընտանիքի գործունեության, ինչպես նաև</p>

		<p>Կոմիտաս Վարդապետի հետ նրանց ունեցած համագործակցության վերաբերյալ: Անցկացվելու են դասախոսություններ, տարբեր տարիքային խմբերի համար մշակվելու են կրթական ծրագրեր:</p>
3.6	Ոչ ֆինանսական ցուցանիշներ	<p>Ֆիլմի պատրաստում և ցուցադրում/ 10-20 րոպե տևողությամբ/,          Ցուցադրվող թանգարանային առարկաներ՝          Ե. Չարենցի անվան գրականության և արվեստի թանգարան (60-90 առարկա)          Կոմիտասի թանգարան-ինստիտուտ (7-10 առարկա)          Հայաստանի ազգային պատկերասրահ (3-5 առարկա)          Լ. Լալուայի ընտանիքի արխիվ (5-10 առարկա):          Կրթական ծրագիր՝ 15-20, մասնակիցներ՝ 400 (տարբեր տարիքային խմբեր):          Այցելուների սպասարկում՝ 800-1000 շահառու (տարբեր տարիքային խմբերի այցելուներ, ուսանողներ, զբոսաշրջիկներ և այլն):</p>

**ՊԵՏԱԿԱՆ ՄԱՐՄԻՆ**


ՀՀ կրթության, գիտության, մշակույթի և սպորտի նախարարություն  
 Հասցե՝ ք. Երևան, Վ. Սարգսյան 3,  
 Կառավարական 2-րդ շենք  
 ՀՀ ՖՆ գործառնական վարչություն  
 h/h 900011042257, ՀՎՀՀ՝ 02698732  
 Գլխավոր քարտուղար՝

 **Հ. Հակոբյան**  
 Կ.Տ.



**ԿԱԶՄԱԿԵՐՊՈՒԹՅՈՒՆ**

«Կոմիտասի թանգարան-ինստիտուտ»  
 ՊՈԱԿ  
 ՀՀ, ք. Երևան, Արշակունյաց 28  
 ՀՀ ՖՆ գործառնական վարչություն  
 h/h 900018001652 ՀՎՀՀ՝ 02630484  
 հեռ. (091) 200-226

Տնօրեն՝  **Լ. Կոստանդյան**  
 Կ.Տ.



**ՆԱԽԱՀԱՇԻՎ**

«Փարիզյան հանդիպումներ» ծրագրի կազմակերպման ծախսերի


	Ծախսատեսակի անվանումը	Միավոր	Քանակ	Միավորի արժեքը (դրամ)	Գումարը (հազար դրամ)
1	Ժամանակավոր ցուցադրությունների սրահի ձևավորման աշխատանքներ	հատ	1	970000	970.0
2	Անոտացիոն տեքստերի պատրաստում	քմ	18	20000	360.0
3	Ժամանակավոր ցուցադրությունների սրահի (155 մք) ձևափոխում, ներկում, հարդարում, ցուցափեղկերի (3 հատ), ցուցասեղանների (6 հատ), շարժական ցուցապատերի (2 հատ) և այլ անհրաժեշտ նյութերի պատրաստում և տեղադրում ըստ գծագրերի և էսքիզների՝ /մասնակի/	հատ	1	3420000	3420.0
	<b>ԸՆԴԱՄԵՆԸ</b>				<b>4750.0</b>
	<b>ԱԱՀ**</b>				<b>950.0</b>
	<b>ԱՄԲՈՂՋԸ</b>				<b>5700.0</b>

\*Ծախսերը պետք է իրականացվեն բացառապես ՀՀ աշխատանքային օրենսգրքով սահմանված կարգով

\*\* ԱԱՀ-ի գծով լրացուցիչ հատկացումները որպես հարկային պարտավորություն ենթակա են վճարման կազմակերպության կողմից որպես ԱԱՀ, հակառակ դեպքում ենթակա են վերադարձման ՀՀ պետական բյուջե:

**ՊԵՏԱԿԱՆ ՄԱՐՄԻՆ՝**

ՀՀ կրթության, գիտության, մշակույթի և սպորտի նախարարություն  
 Հասցե՝ ք. Երևան, Վ. Սարգսյան 3, Կառավարական 2-րդ շենք  
 ՀՀ ՖՆ գործառնական վարչություն  
 հ/հ 900011042257, ՀՎՀՀ՝ 02698732  
 Գլխավոր քարտուղար՝

  
 Ս. Հակոբյան



**ԿԱԶՄԱԿԵՐՊՈՒԹՅՈՒՆ**

«Կոմիտասի թանգարան-ինստիտուտ» ՊՈԱԿ  
 ՀՀ, ք. Երևան, Արշակունյաց 28  
 ՀՀ ՖՆ գործառնական վարչություն  
 հ/հ 900018001652 ՀՎՀՀ 02630484  
 հեռ. (091) 200-226

Տնօրեն՝   
 Լ. Կոստանդյան



ՖԻՆԱՆՍԱԿԱՆ ՀԱՇՎԵՏՎՈՒԹՅԱՆ ՓԱՍՏԱԹՂԹԵՐԻ ԱՄՓՈՓԱԹԵՐԹ

Կատարող կազմակերպությունը \_\_\_\_\_

Ծրագրի անվանումը \_\_\_\_\_

NN	Նախահաշվի հոդվածը	Գումարը՝ համաձայն նախահաշվի (դրամով)	Փաստացի գումարը (դրամով)	Շեղումը նախահաշվի համեմատ (+- դրամով)	Հոդվածի ծախսը հավաստող փաստաթղթի անվանումը, համարը և ամսաթիվը
1					
2					
3					
	Ընդամենը				

«\_\_\_» \_\_\_\_\_ 2024 թ.

Կատարող կազմակերպության ղեկավար

\_\_\_\_\_ / \_\_\_\_\_ /

(անուն-ազգանուն) (ստորագրություն)

ՓԱՍՏԱԹՂԹԵՐՆ ԸՆԴՈՒՆԵՑ՝

« ԿԳՄՍ նախարարության  
պատասխանատու՝

\_\_\_\_\_ / \_\_\_\_\_ /

(անուն-ազգանուն) (ստորագրություն)

Կատարող կազմակերպության  
գլխավոր հաշվապահ

\_\_\_\_\_ / \_\_\_\_\_ /

(անուն-ազգանուն) (ստորագրություն)

Կազմակերպություն  
 \_\_\_\_\_  
 գտնվելու վայրը \_\_\_\_\_  
 հհ \_\_\_\_\_  
 հվհհ \_\_\_\_\_

Պետական մարմին  
 \_\_\_\_\_  
 գտնվելու վայրը \_\_\_\_\_  
 հհ \_\_\_\_\_  
 հվհհ \_\_\_\_\_

ԱԿՏ N  
**ՊԱՅՄԱՆԱԳՐԻ ԿԱՄ ԴՐԱ ՄԻ ՄԱՍԻ ԿԱՏԱՐՄԱՆ ԱՐԴՅՈՒՆՔՆԵՐԻ  
 ՀԱՆՁՆՄԱՆ-ԸՆԴՈՒՆՄԱՆ**

«    » «    » 20 թ.

Պայմանագրի /այսուհետ՝ \_\_\_\_\_ Պայմանագիր/ անվանումը՝ \_\_\_\_\_

Պայմանագրի կնքման ամսաթիվը՝ «    » «    » 20 թ.

Պայմանագրի համարը՝ \_\_\_\_\_  
 Պետական մարմինը և կազմակերպությունը՝ հիմք ընդունելով պայմանագրի կատարման վերաբերյալ ներկայացված — հաշվետվությունը, կազմեցին սույն արձանագրությունը հետևյալի մասին.  
 Պայմանագրի շրջանակներում կազմակերպությունն իրականացրել է հետևյալ միջոցառումները՝

N	Իրականացված միջոցառման							
	անվանումը	գործառույթի համառոտ նկարագիրը	արդյունքը		կատարման ժամկետը		Վճարման ենթակա գումարը /հազար դրամ/	Վճարման ժամկետը /ըստ պայմանագրի/
			ըստ պայմանագրի	փաստացի	ըստ պայմանագրի	փաստացի		

Սույն արձանագրության երկկողմ հաստատման համար, հիմք հանդիսացած հաշիվ ապրանքագիրը և հաշվետվությունը հանդիսանում են սույն արձանագրության բաղկացուցիչ մասը և կցվում են:

Ծառայությունը հանձնեց  
 \_\_\_\_\_  
 ստորագրություն  
 \_\_\_\_\_  
 ազգանուն, անուն  
 Կ.Տ.

Ծառայությունն ընդունեց  
 \_\_\_\_\_  
 ստորագրություն  
 \_\_\_\_\_  
 ազգանուն, անուն  
 Կ.Տ.